

Sigle: Me

Aufbewahrungsort: Stiftsbibliothek Melk

Signatur: Cod. 55 (178; D15)

[347,01]A In höher lerer hiefz anhelm⁹ der
pat vnfer frawn lang wainnd vnd
vaftuñd daz fe im czu erchennen
geb wie vnfer her gemartert wer vnd do
er alfo nach feiner gewonhait vmb dy#felbñ
fäche eines males vnfer frawn pat mit
ganczm ernst do erfchain im vnfer fraw
vnd fprach alfo anhelme wiz mein liebes
chind hat alfo groffe marter erliten daz ich
es niemant an wainnde augñ wol gefagn
mag nu pin ich grofleich erhocht vñ
meiem chind vber alles himlifch her vñ
vber alle creatur die got pefchueff douon
So mag ich noch en|fchol nýmer wainenn
vnd douon fo will ich von anegeng fagen
vnd auflegñ die marter meines liebñ chindes
do fprach anhelm⁹ O|aller#liebftew fraw
meine wie hueb fích an daz die erft deines lie=
bñ chindes marter do fprach maria do
mein chind an dem antlas#tag daz left ef=
fen mit feinen lüngern geeffen het vnd vñ
dem tifch gie do gie Iudas czu den Iudifchñ
pifcholffen vnd gab in mein chind vmb
dreißig phennig / darwmb v⁷ chaufft wärt
Iofepp vor vier#taufent lörn vnd warn
den Iudñ czu ainen eribtail geuallen die
do mein liebs chind chaufften der#felben
phennig waz ye ainer czechñ gemainer
phennig wert do fprach anhelm⁹ fräw
werd du do pey xpo vnd pey feinen
lüngern do die dinkch alfo gefchachenn
do fpr^hch maria nayn|ich doch wizz

[348,01]anhelm⁹ do mein chind mit feinē Iüngern
die mandat pegie vnd in ir fueffe getwagⁿ
het vnd feinen vron#leichnam vnd Sein plut
gebⁿ het do gie Judas czu den Iudifchⁿ pifch=
olffen vnd do gie mein chind in|der#felbⁿ czeit
vnder den perkch Oliueti in einen gartⁿ mit
Seinen iungern vnd do nam er drey vⁿ
den andern Iüngern vnd den#felbⁿ drei
iungern gie er auch vnd hiez fi peten do
entlieffen die drey iunger vnd er gie vⁿ
in als verre als man mit ainem Stain
gewerffen mag vnd pat an feinen vater
vnd fprach / erhor mich väter vnd h^rre
wann dein parmherczichait ift voller gna=
den Siech mich an mit deiner manikual=
tichait deiner gnadⁿ vnd deiner parmher=
czichait vnd erlos mich von allen meinē
n^oten / do fragt aber anhelm⁹ vnd fpr^āch
waru^mb pat ih^us den väter von h^ymel
vnd waru^mb voricht er die marter so
fer / do fprach maria / daz gefchach v^o drin
fachⁿ die erft fach waz daz daz er gar czer=
tleichⁿ gezogⁿ waz vnd von chuⁿikleich^m
geflecht geporn wäs vnd douon So tet
Im die marter wiefer den einem andern
menfchⁿ / die ander Sach waz daz er got
vnd menfch waz vnd douon fo weft er
woll alle die marter die er leidⁿ folt
vnd darw^mb fo fwiczt er plutigⁿ fwais
die drit Sach waz daz er woll weft
daz die iudⁿ aller parmherzichait an
Im v^z gaffen vnd do er den vater alfo
[349,01]zu dem dritten mäll anpät vnd fprach vat^r
fey es dein will so vber#heb mich der mart^r
aber dein will werd volpracht / do erfchain
Im ain engel vnd fterkcht in vnd fprach

her pis vestes herczn̄ vnd furicht dir nicht
wanne die felig czeit ist chomen daz du
erlosen scholt alles menschleichs geslecht
von dem ewign̄ tode / darnach gie mein
chind czu den Iungern vnd vand si slaffūnd
vnd do sprach er czu in mügt ir nicht
ain weill mit mir gewachn / ftet auff
vnd fecht er chumpt do#her der mich
hat verchaufft / vnd do er also mit in
ret do chom czuhant Iudas in|dn̄ Gartn̄
mit ainer groffen schar vnd sprach czu
In / ir herrn̄ ir Schult wissen daz ih̄us
vnd iacobus gar geleich an#einander find
vnd mag man ainen von dem ânderin
nicht gar woll erchennē vnd douō So
gib ich euch ain czaichn̄ welchn̄ ich chüffe
den vächt der ist der recht / vnd darnach
zogt iudas mit den iudn̄ gegn̄ meinem
chind vnd sprach vnd do sprach mein chind czu in wen Sucht ir / do sprachn̄
die iudn̄ / ihm̄ von nazaret / do sprach mēy
chint / daz pin ich / vnd do er daz wartt
also gefsprach daz pin ich· do vielln̄ die
iudn̄ alle nyder auff die erdn̄· vnd daz
gefchach also czwier / darnach sprach mēy
chint / feind ir mich fucht fo lat die
pey mir sint gēn / czuhant chüft Iudas mein
[350,01]chint / do sprach mein chint Iudas v̄chauffest
du ~~mich~~ mit dem chuffe des menschn̄ chind
darnach vielln̄ die menschn̄ an iesum
vnd viengn̄ in / do czucht petrus ain fw̄t
vnd flug ainem Iudn̄#chñcht ain or ab
der#Selb chñcht hies malichus / do fragt
aber anhelm⁹ / fraw gefchach aber an
der#selbn̄ ftat chain czaichn̄ / do sprach
maria / ia wenn es faczt mein chintt
daz or wider an Sein ftat vnd macht

den chncht czuhant gefunt. vnd sprach
czu fand peter / ftoz dein fwert wider in
die Schaid wann wolt ich den vater pittn̄
er fant mir czweliff fchar der engel die
fur mich vächten / czuhant fluchn̄ dy iunger
alle von meinem chind / do sprach anhelm⁹
wer du dopey / do sprach maria / nayn|ich / do sprach
anhelm⁹. wie mocht du daz v̄lann do
du in fo herczn̄#lieb hetest / do sprach
maria / es waz nacht vnd gezam nicht
daz Iuñchfrawen auff der ftras giengen
do sprach anhelm⁹ / wo wer du do / da spr³ch
maria / Ich waz In|meiner fwefter häws
Iohannes mueter / wie wurt du fein do
inne / oder wer fait dir||s. do sprach maria·
nu hör es chomen die Iunger Schrei<u>n̄
vnd chlaguñg / vnd sprach<n̄>· O|aller#liebste
fraw· dein chind vnfer maifter ~~maifter~~
ift geuañgñ vnd wir wiffen nicht wö
[351,01]vnd gedacht halt ob er fur daz gericht
chem er vnſchuldigt fich felben v̄d daz
tet er nicht er ftund als ain vnſchuldigs
lâmp vnd tet nie auff feinen münd / do
gedacht ich auch er ift als myñkleich
daz fi fich vber in erparment / darnach
vber ain chlaine weil do ward er fo gâr
v̄ſpeit als äin auffecziger menſch / do furtñ
few vil vafter gezeugn̄ vber in vnd sprach
er wer ain ftorer der ee vnd ein ver(=)
reter des volks / do ftündn̄ gezeugn̄ auff
vnd sprachn̄ / er hiet gefprochen̄ er wolt
den tempel czerfurn̄ vnd in|drin tagñ wider(=)
pringen / do sprach Chaiphaz ſag an piſt||u
chriftus ihus. do sprach mein chind. ſag
ich euch||s fo glaubt ir mir fein nicht.
aber ich ſag euch ir wert den himel offen

fech̄n ften· vnd des menſch̄n chind ficzen
czu der recht̄n hant götes· do ſpielt̄n im
der iud̄n priefter fein gewant vnd ſpra=
ch̄n / wir pedurffen nicht mer gezeuḡn
nu hort ir doch wöll er hat wider got
gerett. czuhant ſchrier̄n fy alle· er iſt
ſchuldig des todes. do durch#ft̄äch czu dem
and̄n mall ein fwert mein hercz / do
ſprach anhelm⁹· wo ward er hin#gefurt
do ſprach maria· czu dem Richter pilato·
do ſprach anhelm⁹· O|aller liebſtew fraw
heczt du chainen gedinḡn mer. do ſpr̄ch
[352,01]maria Ia ich het groffen gedinḡn wenne
daz volk czu#famen chem / den er offt ſo fuef=
fikleich gepredigt het vnd die ſich̄n die er
gefunt het gemacht vnd die er In|der wüft
geſpeift het do ab few in löften von den Iud̄n
des tet̄n few nicht fy rufften mit lauter
ſtim̄e czu pilato man Schol im chrewczen
vnd ſprach̄n er hat geſproch̄n er ſey gotes
fun vnd hat v̄pot̄n den czins cze|geb̄n vnd
do fragt in pilatus von ſeinem Reich /
do antwurt er im vnd ſprach / mein reich
iſt nicht von diſer welt wan wer mein
Reich von diſer wölt ſo ſtrit̄n mein dien̄
für mich do ſprach pilatus / fo piſt||u||s ain
chunig. do ſprach ih̄us. du haſt es geſproch̄n.
wann ich pin ain chünig vnd piñ d̄arzue
In|diſe welt chomen daz ich gezeug fey
der worhait / do ſprach pilatus / waz iſt
di worhait / vnd diſe frag wolt er im
nicht czerlofen wan hiet er im fey czer=
loft er hiet in nicht getottet / vnd wer
alles menſchlechs geſlecht nicht erloft
word̄n czuhant do Iudas erhört daz
man in tötten wolt do gie er czu den

Iud̄n vnd sprach ich han gefundet vnd
han v̄chaufft daz Recht pluēt. Vnd gieng
vnd hieng Sich. do sprach pilatus czu dem
fürften vnd czu dem volk. Ich vind chein
[353,01]Schuld an dem menfch̄n. do sprach̄n fy
all mit ganzem ernft / er hat daz völkch
von Galilea p̄chert / vnd do pilatus h̄ort
daz er von galilea w̄as / do fant er in czu he=
rodes. vnd do herodes ihm̄ erfach do wart
er gar fro· vnd fragt in vil dinḡ vnd
ob er der wer der die plint̄n gefech̄n ma=
cht der lazarū hiet haiffen auff#ften / vnd
erchukcht hiet der witib̄n fun / vnd ge=
hies im / tet er ain czaich̄n vor im er wölt
in lofen von den iud̄n aber mein chint
sprach nichtz / do faczten fe im auff ain chrō
domit müft er gechront werd̄n vber
alle fürften / vnd gehies im / tet er ain cza=
ich̄n vor im er wolt im ain tail an feīnes
reich geb̄n / aber mein chint sprach nichtz
/ do verfmechet in herodes vnd legt im
an ain weis gewant / vnd furt in wider
czu pilatum. do wart̄n fe mit#ainand̄r̄ gefrewt pilatus
vnd herodes. do wolt pilatus mein chind
hab̄n laffen· vnd warrabam hab̄n getottet·
do sprach daz volkch alleff̄ampt. hebt ihm̄
auff vnd tott in vnd latt Barrabam p̄us
/ do sprach pilatus czu dem dritt̄n m̄all /
waz hat er vbels getan ich vind chain
Schulde des todes am im / ~~nicht~~ ich will
In haiffen flach̄n vnd will in leb̄n laff̄n
do fhrier̄n die Iud̄n chrewczt in. do fant
[354,01]pilatus hawffrawn czu im daz er dem ge=
recht̄n nicht t̄ot / fy hiet die nacht vil
geliten von im / do wolt pilatus erfult
hab̄n der iud̄n pegerūng vnd hies in

pintn̄ czu ainer failn vnd hies flachn̄ fei=
nen leib daz daran nichcz gefuncz pelaib
vnd die faul waz alfo dikch daz im wol fpā=
ne gepraft daz er nicht hin#vmb gerāichn̄
mocht / do namen few riemen vnd czugn̄
Im die hent domit hin#vmb do namen
in die Ritter vnd flochtn̄ im ain chrōn
von dorn vnd drukchtn̄ im dy in|fein häup
doch waz die#felb chrōn nicht von Rechten̄
dörn Sy waz von mer#spinnen die find vil
grewleicher vnd fpicziger den ander dörn
die#felbn̄ chron die drukt̄n fe im ī fein haup
mit ainem sper daz Im daz plut vber fein
antlucz floz vnd alfo gechrōtn̄ furt̄n fe
in ainen Roten ~~phelle~~ mañtel fur die iudn̄
vnd sprachn̄ nu fecht daz ift der menfch /
czuhant do in der Iudn̄ pifcholff fach do fch=
riren fy all chrewczt in / do sprach pylat⁹.
nempt in felbn̄ vnd tuet im nach ewr
·ee· vnd richtet vber in / do antwurt̄n
fe in wir habn̄ in vnfer ·ee· daz er fter=
bn̄ fcholl. wann er hat fich gotes fun
gehaiffen / do pilatus die red erhott.
do voricht er die iudn̄ vnd gie wider
zu ihm In|daz dikch#haws vnd sprach czu
[355,01]nicht Er sprach wild||u mir nicht ant=
wurten / waift||u nicht daz ich gewält hān
dich czu laffen vnd auch czu totten / do spr̄ch
ih̄us / du hieft chainen gewalt vber mich
wer er dier nicht vō <mich> geben / darwmb der mich
verchaufft hat der hat groz funt gētan /
darnach gert aber pilatus daz man ihm
liez / do fchrier̄n die iudn̄ all vnd sprachn̄ /
left du in fo pift||u nicht des chaifers fre=
unt / wan wer fich haift ainē chunig der
will wider den chaifer fein / do pilatus

daz erhört daz anders nicht macht ge=
fein do twüg er fein hent vor dem volk
vnd sprach / Ich wil vnſchuldig fein an
des menſch plut / nü fecht wie ewch
geſchech do ſchirñ fy all / fein plut ge
vber vñs vnd vber vnſze chind / vnd ſch=
rirñ ſo lang vnd ſo vill vncz daz pilat⁹
die vrtail gab vber in vnd liez in Bar=
rabam den manflechtigñ ledigñ / aber mei
chint daz gab er in daz fy irñ willñ volp=
rachñ an im / do ſprach anſhelm⁹ / waz
tet du do du daz erhörcht. do ſprach
maria. do durch#ftach aber ein ſwert
mein hercz. do ſprach anſhelm⁹. waz
geſchach dārnach. do ſprach maria. do
namē ſe mein aufderweltes liebs chint.
vnd legtñ im daz chrewcz auff feinen
[356,01]Rükch vnd furtñ In aws der ftat. do man dÿ
vbelñ lewt v³ dampft. vnd do chrōten ſe in
vnd daz chrewcz waz alfo gröz daz es het
funczechñ ſchuch an der leng / do waz mein
chint die nacht ſo chrankch wārn daz er
daz chrewcz nicht getragñ / macht / do gewū=
nen fy ainen armen man der es fur in trüg
daz teten ſe nicht durch parmüg Sunder
daz er fein nicht getragñ mächt. do ſprach
anſhelm⁹. gie nyempt mit im do man in
aws#furt. do ſprach maria. ia vil volkes
cham. ſam mit ainem diep[·] vnd frawn wai=
nud und chlaguñd vnd vil chind vnd er
ſprach czu den frawn / Ir tötter von ihrlm
waint nicht vber mich waint vber euch
vnd vber ewre chind die nicht wiſſent
waz fy tünt vnd ſtain vnd hör vber mich
werffent Es chumpt noch der tag daz
man wirt ſprechñ felig iſt die fraw dy

nicht chint trait felig find die prüft
die nicht faugent vnd pegiñet ſprechñ
czu den pergñ vallent vber vñs vnd czue
den pũchñ pedächt vns vnd do mier daz
gefchicht waz gefchicht den heiligñ meinē
nam furt auch czwen vbel#teter mit im
die wolt man tötten / daz tet man im
auch czu fchantñ wan fy hiengñ ainenn
czu Seiner Rechtñ hant / vnd den andern
[357,01]czu der tenkñ hant / do ſprach anhelm⁹. wie
täten fe im / do ſprach maria / nu hor anhel=
mũs / waz ich dier iemerleicher ding fagn
will daz chain Ewbangelift Schreibt / do
few in prachtñ an die ftat do fy in totten
wolten / do enploftñ fe in gar / do waz ich
gar amachtig wordñ / daz ich nymer mächt
do ich in enploffē fäch / do nãm ich. ain
tuch von meinē hawp / vnd pant ïm||s
vmb fein lent / darnach legtñ fy daz chrevcz
auff die erdn vnd wurffen in darawff
vnd do fy aiñ nagel geflugñ / der waz fo
gröz daz die wuntñ nicht geplutten moch=
ten / als gar het der nagel die hant gefullet
/ vnd darnach namen fy fail vnd czugenn
Im den andern ãrm damit hin#vmb czu dē
löch hiñ / vnd die#felbñ hant flugñ fy im an
/ alfo daz man im all feine pain fäch / do
wart derfullet des weiffagn h⁷rn dauicz
gēpot / hor tochter vnd fiech als ob er ~~fech~~ ſpreich
hor aller#liebstew fraw die hãmer#fleg
/ damit man im hent vnd fuez an#flecht
/ vnd Siech wie Iemerkleich er hängtt
Siech vnd hor vnd leid mit im do hort
Ich vnd fäch daz aber ein fwert mein
hercz durch#ftäch darnach Richtaten Sÿ
daz chrëvcz auff mit groffer ar<i>bait do

waz es also höch daz ich die fūcz nie perūrn
mocht / do man es do auff#gericht hētt
[358,01]do wurdn̄ von des leibes fwer auff#getan
aller Seiner wūd̄n vnd gezert daz vil
plutes vnd von hend̄n vnd fueff̄en rān do waz
Ich gechlaidet als in|dem lande gewondl#ich
waz mit ainem chlaid daz pedakcht daz
häwp / vnd allen den leip daz waz als pefloff̄n
mit plut vnd pēfterkcht / do sprach anf=
helm⁹ / waz geschach darnach / do sprach
maria / do fē in geschrewczt het̄n / do tailt̄n
fēw feine chlaider / vnd vber fein gewant
legt̄n fēw loz / czuhant schraib pilatus
ain ~~ta~~ tael do Staind an ih̄us von nazaret
der Iud̄n chunich / do sprach̄n die Iuden /
Schreib nicht der iud̄n chunig Sunder
er hat sich gehaiffen der iud̄n chūnik / do
sprach pilatus / daz ich gefchrib̄n hān
daz han ich gefchrib̄n / aber die den weg
her#fur#gienḡn / die spotten fein vnd
sprach̄n / der Schacher sprach er wolt
den tempel czerftorn vnd in|drein taḡn
wider#prinḡn vnd spr<ā>ch̄n pift||u gotes
fun gehaiffen ge ab dem chrewcz So
gelaub wir an dich / also taten auch
der iud̄n prierter vnd ir Schreiber
vnd sprach̄n ander̄n leut̄n hat er ge=
hōlffen nu helff im Selber Seift du
[359,01]es der chunig von ifrahel so ging ge von
dem chrewcz so gelaub wir an dich / vnd
sprach̄n er hat got / getrawt er lost in
Er sprach er wer gocz fūn / do sprach anf=
helm⁹ / waz sprach dein chind czu dem gefpot do antwurt mā'ia
er sprach / her v' gib ins wan fy wiffent
nicht daz fy fundent / do spotten fy fein
aber / do sprach er hor tochter vnd siech

meinen groffen wetagn̄ nu waift||u wol
wie ich enphangn̄ wart von dem heilign̄
geift vnd daz du in der purt vnd nach d̄
purt magt pelibt vnd waift wöll wie
du mich erzogn̄ haft wellent fe fein nicht
gelaubn̄ daz ich fey gotes fun fo glaub
aber dv es leid mit mir do durch#ftäch
aber ein ſper meÿ fell do daz der Schach̄
czũ der tenk̄n feitten erhört der ſtrafft
in vnd ſprach feift du gotes fun fo hilff
dier vnd vns / do ſtrafft in der czu der recht̄n
h̄in hant vnd ſprach / furchteſt du nicht gött
vnd piſt doch In|dn̄ ſelb̄n not̄n des todes
daz wir leidn̄ daz hab wir v̄dient aber
der menſch der hat n<i>cht vbel gētann
vnd ſprach her gedenk mein wan du
chümfst In|deines vater reich / do ſprach
Ih̄us / ich Sag dir w̄rleich du Scholt
[360,01]heut mit Mir fein In|dem päradeis / do
ſprach anhelm̄ / frau waz gedecht du
do / ma'ia / Ich ſtaind pey dem chrewcz voller trav=
richait daz ich im nicht gehelffenn
macht vnd ſtuend̄n pey mir mein czwo
ſweſter vnd maria magdalena vnd Iohan(=
nes vnd do mich mein chind ſäch vnd
Iohannē den er do lieb het do chert er
Sich czu mir vnd ſprach nym war Iohā=
nes daz iſt dein mueter / do waz iz die
ſechft#czeit / vnd wart ain vinſter vber
alles edreich vnd czu non#czeit Schrai
ih̄us mit lauter Stīme hely hely lama=
zabatani daz ſpricht mein got wÿe
haft||u mich verlaſſen fümleich / die do
ftund̄n die ſprach̄n er ruefft helyam
nu peit wir vnd ſech̄n ob helias chöm
vnd in loz / darnach weſt got wöll daz

es alles völpracht wird vnd sprach /
mich dürft / do ftaind ain vaz mit ezzeich
do nam ainer ainen padfwan vnd legt
den auff ain fper vnd gab im cze|trinkchñ
daz er defter fchirer ftürb / do er fein do
enphieng do sprach er / es ift alles vol=
pracht darnach mit genaigtñ häwpp
gab er feinen geift auff / darnach fpielt
Sich der vmb#vankch des tempel vñ
[361,01]obñ vncz cze|nidñ vnd czerclubñ sich die
ftain vnd pefunder der Stain do daz / chr=
ewcz Inne ftaind der czerspielt sich daz
man ain hant darein legt vnd daz edreich
erpiderñt vnd die greber tatñ sich aüff
vnd ftundñ vil heiliger leichnam daravs
die vor tod warn vnd giengñ czu ierufale3
In|die Stat vnd erfchinen vil lewtñ vnd
do ftaind Centurio vnd die pey im wärñ
die dy dinkch die do gefchachñ die erfchra=
kchtñ sere do sprach Centurio / werleich
daz ift gotes fun nempt war wie alle
element mit im leident nur allain die
Iudñ die find erhört herter den ftain es ftaind auch vill
volkes dapey chomen czu in felbñ vnd
flugñ an ir hercz vnd ftuendñ auch feyn
freunt vor hin dan vnd auch fein chundñ
vnd Sachñ daz alles / do sprach anshelm?
O|aller#liebstew vräw het aber do dein laid
ain end vnd deines chindes do sprach ma'ia
nayn es waz Symones weiffaguñg dennoch
nicht volpracht der do sprach ein fwert
Scholt mein hercz durch#ftechñ nü hor
daz chlegleich ift vber es alles / paten
die Iudñ pilatum durch ir hochzeit daz er
zerprech ire pain do chomē die Ritter
vnd prachñ dem ainen feine pain vnd

[362,01]vnd Sunder chöm ain Ritter vnd ftach
mein chind mit ainem ſper in fein feittē
vnd in fein hercz do gie czuhant waffer
vnd plut her#aws vnd do ich daz fach
daz fe im so Iemerleichn̄ tetn̄ do ward
ich amachtig vnd durch#ftach aber ain
fwert mein fell do hub ich an vnd ſchray
vnd chlagt wan ich macht nicht mer
gewainen von dem daz ich alle dy näch
vnd den tag vber waint het douon
So ſchray ich vnd prach we mir fueffes
chind meines wo ift nu aller meÿ troft
den ich an dir gehabt hän wer geit mir
daz ich für dich ftürb liebs mein chind
mit sogetaner Iemerleicher chlagt
ich mein chind do ſprach anhelm?
waz gefchach darnach do ſprach mā'ia
do patt Iofepp von aromathia pilatū
daz er im den totn̄ leib geb vnd ſpr̄ch
czu dem chunich geift du mir nicht
Schier den toten leib fō v' dirbt die
aller#fchonift vraw Iunge des Iuñlins
müeter der do getott ift wan fy hat
als iemerleiche chlag daz wir all
mit ir czu chlagn̄ habn̄ do fragt pilat?
ob er yeczund tod wër vnd do er do
[363,01]h<a>rt von Centurione von difenn dingen
die do gefchechñ warn do gab er Iofeppn̄
den toten leib ihm̄ nu hor daz gar chlag=
leichn̄ ift wan do iofepp wolt abnemenn
den toten leip ihu do ftuend ich vnd lugt
auff wann er ainen arm erloft daz ich in
czu mir vieng daz gefchach vnd do er ab
dem chrewcz genomen ward do legtñ few
In auff die erdn̄ drey <griet> von dem chr=
ewcz do nam ich fein hawpp an mein

hercz vnd waint pitterleichn̄ we mir herczn̄(=
liebes chind waz troft han ich n̄n Seind
Ich dich töten Siech do leuff Iohannes czu
mir wain̄nd we mir von dem herczn̄ han
Ich getrunckch̄n vil fuffichait vnd nu tr̄nk
ich daraws Iamer vnd n̄tt do chom pe=
trus daz er fein v̄laugent het do waint
er gar pitterleichn̄ v̄mb do ch̄m maria
magdalena vnd waint vor in allen vnd
viel v̄mb mein chind vnd ſprach wer
v̄geit mir mein funt vnd wer vnſchul=
digt mich vor meiner ſweſter vnd vor
Symon do lieff̄n die andern auch d̄r
vnd chlagt̄n vnd ſchir̄n do tet ainen
troft n̄r feiner mueter vnd feinen iū=
gern daz chain wund̄n an feinem leib
waz an die fünff wund̄n die er woltt
[364,01]p̄halten vncz an den Iungift̄n tag er wa=
rd auch alfo chlar als ob er nye hiett
m̄e derlit̄n do ward die müeter vnd
die Iünger ain wenig getroft vnd do
ſew in pegrab̄n wölten do habt ich den
leichnam vaft vnd lie in nicht ḡrn
pegrab̄n vnd ſprach czu Iohannes lieber
Iohannes laz mir mein chind alfo tödes
den ich nicht lemp̄tig gehab̄n m̄äg od̄
pegrab mich czu im iohannes der ſprach
O|aller#liebſte frau nu waift du wöll
daz es anders nicht mocht gefein er müft
erlofen alles menſchleichts gefchlecht do lie
Ich in pegrab̄n aber vil vngern vnd do
man in In|daz grab legt do wer ich gern
czu im hin#ein gewefen do en|lie mann
mich nicht do viel ich ſo gar iemerck=
leichn̄ auff daz gr̄b daz die Iunger al=
le müeft̄n wainen do nam mich Iohan=

nes vnd wolt mich In|die ftat weifen
von dem grab do tet ich ſo gar iemer=
leichn̄ daz er mich chawm von dem
gräb pracht vnd ſchray Iohannes liber
freunt mein tue mir als vnrecht
nicht daz du mich icht ſchaideſt v̄n
meinem lieb̄n chind vnd las m̄ych
peleib̄n vncz daz Ich erfterb und t̄ett
[365,01]als chlagleich daz fy muft̄n wainen
do nam mich Iohannes vber mein will̄n
vnd furt mich in|die ftat vnd do mich
daz volkch ſach alfo geſprengt mit dem
pluet als mir vnder dem chrewcz geſche=
ch̄n w̄s do ſchir̄n fy alle mit gemain̄
ſt̄yme von des groſſen vnrecz daz hewt
geſchech̄n iſt czu ierufalem an der aller(=)
ſchoniften frawn vnd an irem chinde vnd
hulffen mir cze|chlaḡn do pelaib ich In=|
meiner ſweſter haws vnd von groſſem
hercz̄n#laid het ich chain chrafft ſo ich
ſaz ſo wolt ich fein czeproften ſo ich auff(=)
ftund ſo vil ich wider nyder ſo ich lag so
waz ich pey meinem chind vnd pey dem
grab vnd wer gern auff#geſtand̄n do mächt
Ich von chrankchait vnd von groſſem
hercz̄n#laid nicht Ich chlagt vnd het groſſ̄n
iamer nacht vnd tag vnd mich chünd
mein ſun ioh̄s nicht getroft̄n noch mē
Sweſter maria magdalena mich chünd
vil meiner freunt nicht getroften noch
alle dew mich Sach̄n vnd wurd̄n die
wört an mir erfult die Ieremias vor
lang her het geſproch̄n plorans plo=
raui in nocte non eſt daz ſprichtt
[366,01]Sy waint tag vnd nacht die warn an iry
wanḡn vnd macht ſey nyemant getroft̄n

vnder allen irn freundn̄ awe hör anhel=
müs mein groz herczn̄#laid do meÿ fweft'
vnd maria magdalena Sich peraitt̄n̄
mit guter falbn̄ vnd wolt̄n̄ gen czue
meines chindes grab vnd wolten meÿ
chind falben vnd do fy von mir giengn̄
do müeft ich von Rechter chrankchait
peleibn̄ in|dem häws daz tet mir gar
we daz mir viel ain hertes auff daz and'
daz ich mit den lieb̄n̄ frawen dar nicht
chomen möcht do waz mein hercz alle
tag pey im vnd gedacht an fein czartes
antlucz daz Ich dich froleich han gefech̄n̄
vnd an fein fueffe wört die im vō feinē
münd dikch warn geflossen vnd wie er
v'raten wāzz von feinen freunt̄n̄ vnd
waz er ftoz vnd gefpocz het enphangn̄
vnd do er vor gericht ftünd do wāzz
ain gros gefchrai an in vnd wie fein
vor herodes v'fpot wāz vnd wie vnge=
zoḡn̄leich̄n̄ die mōrder aus der ftatt
mit im gefurt wurd̄n̄ vnd wie er ge=
trenkcht wārd mit effeich vnd mit
gallen vnd mit mirr̄n̄ vnd do er mit
groffer Stime ſchraÿ mich durft daz
waz nach hayl menſchleichts chuē
[367,01]Vnd daz Im ezzeich cze|trinkch̄n̄ gaben v̄d
few dennoch nicht genügt ſich Rechn̄ ſich
dennoch an feinem toten leib vnd ftoch̄n̄
Im ain ſper in|fein feitten vnd do ich daz
alles pedacht do ſchraÿ ich mit lauter
Styme got vnd menſch ſchepffer vōn
hÿmel vnd von erd vnd aller creatur
wie Recht pitterleich̄n̄. du von dem menſ=
ch̄n̄ getroft piſt durch daz du dy menſ=
chait von deiner diern nempt an dich

die dy hymel noch daz erdreich noch daz
mer pegreifen mocht der leit pefloffn̄
In|ainem ftain awe der ewig vnd vnto=
dleich gött der darwmb̄ menfch wart
daz er den v̄lorn menfchñ wider#prächt
der möcht feiner chñthait nicht geni=
effen vnd fein pegert herodes daz er
in erflug awe den die in habñt erhan=
gen durch der willñ er auff ertreich
chöm vnd mit in gutleichñ wandelt
vnd die töten hies auff#ften vnd die
macht er gefunt vnd in alle czeit
gotleiche werich erzaigt vnd do ich
In|der groffen chlag waz vnd mein fwe=
fter maria magdalena vnd mein chind
Suchtñ vnd mich In|dem haws hētenn
[368,01]gelaffen wan Ich nicht geuolgñ mächt
czu dem grab do chom mein chind mit
alfo groffer herfchafft vnd mit vngele=
ichñ freuntñ do waz fein antlucz vnd
aller fein leib fo wünkinchleÿ vnd alfo
fchon vnd dñrch#leucht als der weiffag
sprach daz ift der aller#fchonift vber all
menfchñ vnd dō er alfo mit groffer her=
fchafft erfchain do fach er mich alfo güt=
leichñ an daz ich alles meines herczñ#laid
v̄gaz czuhant viel ich nider und chuft in
an fein füez vnd sprach czu ïm ewiger
fun des vaters von hymelreich vnd meÿ
czartes chind ich lob dich daz du alles
menfchleichts chund erledigt haft mit dei=
nem tod vnd mit dein̄ marter vnd do ich
die wart czu im gefprach do fchied er fich
vō mir do chom mein fwefter ma^aia mag^a
dew hetñ groffe frewd mit mir dy fun
erfchain von Rechtñ frevdñ vnd gab die

taten wider daz fy wern gezeug der erle=
ichn̄ vrfend vnd mir waz all meÿ laid
v̄fwundn̄ nicht allain daz mir mein chind
wider wart ich frewt mich daz alles me=
n̄schleichs chuñe erloft waz v̄ dē ewigñ
tod anhelme also hat sich v̄gangn̄ die
marter vnd daz leidn̄ meines liebñ chind
vnd dy vrfend feines leidns aller fache am̄
Vnd wer daz puchl list der
hat gelück czu aller frift